

Bosanski Petrovac, 19.05.2011. godine
Broj: 241/11

ZAPISNIK I ZAKLJUČCI
SA ČETRNAESTE SJEDNICE PREDsjedništVA SKUPŠTINE
SAVEZA OPĆINA I GRADOVA FEDERACIJE BIH

U Bosanskom Petrovcu je dana 19.05.2011. godine održana Četrnaesta sjednica Predsjedništva Skupštine Saveza općina i gradova Federacije Bosne i Hercegovine (u daljem tekstu: Predsjedništvo Saveza).

Sjednici Predsjedništva Skupštine Saveza prisustvovali su:

1. **g-din Husejin Smajlović**, načelnik Općine Zenica, predsjednik
2. **g-din Luka Jurić**, načelnik Općine Odžak
3. **g-din Ermin Hajder**, načelnik Općine Bosanski Petrovac
4. **g-din Vlado Alilović**, načelnik Općine Vitez
5. **g-din Muhamed Ramović**, načelnik Općine Goražde
6. **g-din Luka Čelan**, načelnik Općine Livno
7. **g-din Salem Dedić**, načelnik Općine Jablanica
8. **g-din Hakija Osmić**, načelnik Općine Zavidovići
9. **gđa Jasmina Pepić** (po ovlaštenju), pomoćnik načelnika za prostorno uređenje i **gđa Sabina Viteškić** (po ovlaštenju), pomoćnik načelnika za priverdu i turizam, Općina Ilidža
10. **g-din Halil Aščić** (po ovlaštenju), općinski pravobranilac, Općina Kalesija

Pored gore navedenih, sjednici su prisustvovali i: **g-din Ivo Jerkić- Ino**, načelnik Općine Čitluk i predsjedavajući Skupštine Saveza, **g-đa Vesna Travljanin**, direktor Saveza, **g-din Rešad Mašić**, direktor, „Alpha“ d.o.o., **g-đa Zlata Turkić**, viši saradnik za rad sa skupštinskim komisijama i institucijama vlasti, **gđa Elvira Imširović-Bolić**, viši saradnik za pravna pitanja, i **gdica Šejla Hasić**, viši saradnik za projekte.

G-din Smajlović pozdravlja prisutne i otvara Četrnaestu sjednicu Predsjedništva Skupštine Saveza, te predlaže Dnevni red kako slijedi:

1. Usvajanje Zapisnika i Zaključaka sa Trinaeste sjednice Predsjedništva Skupštine Saveza općina i gradova Federacije Bosne i Hercegovine
2. Izvještaj o izvršenju finansijskog plana Saveza općina i gradova Federacije Bosne i Hercegovine za 2010. godinu sa stavom Nadzornog odbora
Izvjestilac: Vesna Travljanin, direktor Saveza
3. Prijedlog finansijskog plana Saveza općina i gradova Federacije Bosne i Hercegovine za 2011. godinu
Izvjestilac: Vesna Travljanin, direktor Saveza
4. Strategija razvoja Saveza općina i gradova Federacije Bosne i Hercegovine - 2011 – 2015 godine
Izvjestilac: Vesna Travljanin, direktor Saveza

5. Izvještaj sa zajedničke sjednice Komisije za ustavna i zakonodavna pitanja, Komisije za ekonomski razvoj općina i gradova i finansije i Komisije za razvoj i unapređenje lokalne samouprave u vezi sa inicijativama:

- a) Općina Stari Grad Sarajevo - za formiranje Ministarstva za lokalnu samoupravu na nivou Federacije Bosne i Hercegovine
- b) Općina Tuzla - za usklađivanje Zakona o koncesijama Tuzlanskog kantona sa Presudom Ustavnog suda Federacije Bosne i Hercegovine
- c) Općina Tuzla – za izmjene i dopune Zakona o plaćama i naknadama u organima vlasti Federacije Bosne i Hercegovine
- d) Općina Tuzla – za donošenje kantonalnog Zakona o zaštiti od požara i vatrogastvu i o osnivanju Zajedničke profesionalne jedinice Tuzlanskog kantona
- e) Općine Hercegovačko-neretvanske županije/kantona – za izmjene i dopune Zakona o pripadnosti javnih prihoda Hercegovačko-neretvanske županije/kantona i Aranžmanu sa Međunarodnim monetarnim fondom
- f) Općina Konjic – za izmjenu Zakona o osnovnom odgoju i obrazovanju Hercegovačko-neretvanskog kantona
- g) Općina Konjic – ocjena ustavnosti Zakona o osnovnom odgoju i obrazovanju Hercegovačko-neretvanskog kantona
- h) Savez opština i gradova Republike Srpske – za izmjene Izbornog zakona Bosne i Hercegovine
- i) Općina Travnik – ocjena ustavnosti u vezi sa nedonošenjem Zakona o finansijskoj konsolidaciji javnih komunalnih preduzeća u Federaciji Bosne i Hercegovine, a u vezi sa kršenjem Zakona o principima lokalne samouprave u Federaciji Bosne i Hercegovine

Izvjestioci u ime skupštinskih komisija: Predrag Šupljeglav, načelnik Odjela za organizaciju, pravne poslove i opću upravu Grada Mostara i predsjednik Komisije za ustavna i zakonodavna pitanja i Emir Bubalo, načelnik Općine Konjic i član Komisije za razvoj i unapređenje lokalne samouprave

6. Zakon o turističkim zajednicama i promicanju turizma u Federaciji Bosne i Hercegovine

Izvjestilac: Ivo Jerkić Ino, predsjedavajući Skupštine Saveza i načelnik Općine Čitluk

7. Iniciranje sastanka delegacije Saveza sa predsjednicom Ustavnog suda Federacije Bosne i Hercegovine

Izvjestilac: Predrag Šupljeglav, načelnik Odjela za organizaciju, pravne poslove i opću upravu Grada Mostara i predsjednik Komisije za ustavna i zakonodavna pitanja

8. Saradnja Saveza sa Alpha d.o.o. u cilju zajedničkog apliciranja kod Ureda koordinatora za reformu javne uprave sa projektom vezanim za uvođenje trezora u jedinice lokalne samouprave

Izvjestilac: Rešad Mašić, direktor Alpha d.o.o.

9. Izvještaj sa održanog NEXPO – Sajma općina i gradova jugoistočne Evrope

Izvjestilac: Vesna Travljanin, direktor Saveza

10. Informacije:

- a) Izvještaj sa sastanka delegacije Saveza sa delegacijom Kongresa lokalnih i regionalnih vlasti Vijeća Evrope
Izvjestilac: Husejin Smajlović, predsjednik Predsjedništva Skupštine Saveza i načelnik Općine Zenica
- b) Izvještaj sa održanih radionica na temu: „Aktuelni problemi u uvođenju trezorskog poslovanja u jedinicama lokalne samouprave u Federaciji Bosne i Hercegovine“
Izvjestilac: Zlata Turkić, viši saradnik za rad sa skupštinskim komisijama i institucijama vlasti
- c) Izvještaj sa seminara "Fiskalna politika i programsko budžetiranje u BiH"
Izvjestilac: Zlata Turkić, viši saradnik za rad sa skupštinskim komisijama i institucijama vlasti

- d) Pripreme za izdavanje Vodiča za uvođenje trezora, Smjernica za budžetske korisnike i ogleđne dokumentacije za trezorsko poslovanje u općinama (u saradnji sa GAP-om)
Izvjestilac: Zlata Turkić, viši saradnik za rad sa skupštinskim komisijama i institucijama vlasti
 - e) Preuzimanje baze podataka općinskih finansija od GAP-a
Izvjestilac: Zlata Turkić, viši saradnik za rad sa skupštinskim komisijama i institucijama vlasti
 - f) Jačanje lokalne demokratije II – (LOD II) – Izbor partnerskih općina
Izvjestilac: Elvira Imširović-Bolić, viši saradnik za pravna pitanja
 - g) Izvještaj V kruga Beacon Sheme – dodjela nagrada i prezentacija tema VI kruga
Izvjestilac: Vesna Travljanin, direktor Saveza
11. Tekuća pitanja
- a) Imenovanje delegacije Saveza koja će se sastati sa predstavnicima Vlade Federacije Bosne i Hercegovine
 - b) Izrada novog loga i cjelokupnog vizuelnog identiteta Saveza (korporativni imidž)

G-din Ramović predlaže da se pod 11. Tekuća pitanja doda tačka c.) Posjeta porodici Čenanović.
Jednoglasno se usvaja Dnevni red sa predloženom dopunom.

G-din Smajlović se zahvaljuje g-dinu Hajderu na gostoprimstvu i daje riječ domaćinu.

G-din Hajder pozdravlja prisutne i kratko predstavlja Općinu Bosanski Petrovac. Obavještava prisutne da je načelnik Općine Cazin, g-din Nermin Ogršević organizovao ručak i posjetu Općini Cazin nakon završetka sjednice.

G-din Smajlović naglašava potrebu za ekspeditivnom sjednicom kako bi na vrijeme stigli u Općinu Cazin, te prelazi na prvu tačku Dnevnog reda.

1. Usvajanje Zapisnika i Zaključaka sa Trinaeste sjednice Predsjedništva Skupštine Saveza općina i gradova Federacije Bosne i Hercegovine

G-din Smajlović otvara diskusiju.

Nakon konstatacije da nema prijavljenih za diskusiju, stavlja Zapisnik i zaključke na glasanje.

Zapisnik i zaključci sa Trinaeste sjednice Predsjedništva Skupštine Saveza općina i gradova su jednoglasno usvojeni.

2. Izvještaj o izvršenju finansijskog plana Saveza općina i gradova Federacije Bosne i Hercegovine za 2010. godinu sa stavom Nadzornog odbora

G-din Smajlović otvara diskusiju.

Nakon konstatacije da nema prijavljenih za diskusiju, stavlja Izvještaj o izvršenju finansijskog plana Saveza općina i gradova Federacije Bosne i Hercegovine za 2010. godinu sa stavom Nadzornog odbora na glasanje.

Izvještaj o izvršenju finansijskog plana Saveza općina i gradova Federacije Bosne i Hercegovine je jednoglasno usvojen.

3. Prijedlog finansijskog plana Saveza općina i gradova Federacije Bosne i Hercegovine za 2011. godinu

G-din Smajlović otvara diskusiju. Nakon konstatacije da nema prijavljenih za diskusiju, stavlja Prijedlog finansijskog plana Saveza općina i gradova Federacije Bosne i Hercegovine za 2011. godinu sa stavom Nadzornog odbora na glasanje.

Prijedlog finansijskog plana Saveza općina i gradova Federacije Bosne i Hercegovne za 2011. godinu je jednoglasno usvojen.

4. Strategija razvoja Saveza općina i gradova Federacije Bosne i Hercegovine - 2011 – 2015 godine

G-din Smajlović otvara diskusiju.

G-din Hajder konstatuje da je dosta članica učestvovalo na četiri radionice, te smatra da je prijedlog Strategije razvoja općina i gradova FBiH kvalitetno urađen. Predlaže da se Prijedlog strategije razvoja FBiH proslijedi članicama na komentare.

G-đa Travljanin predlaže da Stručna služba Saveza proslijedi prijedlog Strategije razvoja svim članicama te da se isti usvaja na slijedećoj sjednici Skupštine Saveza u septembru.

Prijedlog gđe Travljanin je jednoglasno usvojen.

5. Izvještaj sa zajedničke sjednice Komisije za ustavna i zakonodavna pitanja, Komisije za ekonomski razvoj općina i gradova i finansije i Komisije za razvoj i unapređenje lokalne samouprave u vezi sa inicijativama:

a. Općina Stari Grad Sarajevo - za formiranje Ministarstva za lokalnu samoupravu na nivou Federacije Bosne i Hercegovine

G-din Alilović konstatuje da je obrazloženje kvalitetno urađeno i predlaže da se inicijativa usvoji.

Inicijativa je jednoglasno usvojena.

b. Općina Tuzla - za usklađivanje Zakona o koncesijama Tuzlanskog kantona sa Presudom Ustavnog suda Federacije Bosne i Hercegovine

Nakon što je konstatovano da nema prijavljenih za diskusiju, g-din Smajlović stavlja inicijativu na glasanje

Inicijativa je jednoglasno usvojena.

c. Općina Tuzla – za izmjene i dopune Zakona o plaćama i naknadama u organima vlasti Federacije Bosne i Hercegovine

Gđa Turkić izvještava prisutne da je na sjednici Federalnog parlamenta prijedlog Zakona o plaćama i naknadama u organima vlasti Federacije Bosne i Hercegovine vraćen u formu nacarta.

Gđa Imširović-Bolić konstatuje da će se o istom zakonu raspravljati danas na sjednici Predstavničkog doma Parlamenta FBiH. Dodaje da je Stručna služba Saveza došla do saznanja da će se otkloniti diskriminirajuće odredbe ovog zakona.

G-din Dedić konstatuje da je došlo do problema sa sindikatom i vijećem i pita ostale članove da li su njihova vijeća donijela odluke o plaćama i naknadama uposlenika u općinskim organima vlasti u skladu sa važećim zakonom.

Većina članova konstatuje da niko nije donosio, dok g-đa Bolić ističe da je Općina Kupres donijela takvu odluku koja je dostavljena Općini Jablanica.

Inicijativa je jednoglasno usvojena.

d. Općina Tuzla – za donošenje kantonalnog Zakona o zaštiti od požara i vatrogastvu i o osnivanju Zajedničke profesionalne jedinice Tuzlanskog kantona

Gđa Turkić obrazlaže da je to inicijativa za donošenje jednog nadležnog vatrogasnog vijeća na nivou kantona sa ispostavama u općinama, kako je to i obrazloženo u materijalima.

Inicijativa je jednoglasno usvojena.

e. Općine Hercegovačko-neretvanske županije/kantona – za izmjene i dopune Zakona o pripadnosti javnih prihoda Hercegovačko-neretvanske županije/kantona i Aranžmanu sa Međunarodnim monetarnim fondom

G-din Jerkić pozdravlja prisutne. Konstatuje da je u materijalu dostavljen dokument koji je već dostavljen Hercegovačko-neretvanskom kantonu, te da je ova Inicijativa već bila na dnevnom redu Predsjedništva, ali je i predloženo da se ide i prema izmjeni zakona na nivou Federacije. Konstatuje da su neki kantoni usvojili omjer 50% - 50%, međutim da to nije slučaj u HNK. Predlaže da se usvoji Inicijativa da se predloži izmjena zakona na Federalnom nivou.

G-din Smajlović smatra da se treba ići na izmjene federalnog zakona.

G-din Jerkić konstatuje da se procenat treba vratiti na prijašnje stanje. Takođe konstatuje da je to i u interesu svih općina posebno ako se uzme u obzir i vraćanje duga MMF-u od kojeg općine nisu ništa dobile, a povrat kredita će pasti i na leđa općina.

Inicijativa je jednoglasno usvojena.

f. Općina Konjic – za izmjenu Zakona o osnovnom odgoju i obrazovanju Hercegovačko-neretvanskog kantona

G-din Dedić ukratko obrazlaže Inicijativu. Konstatuje da su općine dužne obezbijediti prevoz učenika, te da su dobili nadležnost ali ne i sredstva. Jednom su već i vraćeni sa Ustavnog suda, ali predlaže da se ide sa izmjenom Zakona o osnovnom odgoju i obrazovanju Hercegovačko-neretvanskog kantona u članu 15., tačnije da se osnovno i srednje obrazovanje finansira iz sredstava kantona. Predlaže da se usvoji ova inicijativa.

G-din Jerkić podržava g-dina Dedića i konstatuje da se vraćaju na zakon iz 2000. godine.

Inicijativa je jednoglasno usvojena.

g. Općina Konjic – ocjena ustavnosti Zakona o osnovnom odgoju i obrazovanju Hercegovačko-neretvanskog kantona

G-din Dedić predlaže da se i ova tačka podrži, te da Stručna služba Saveza pokrene postupak.

Inicijativa je jednoglasno usvojena.

h. Savez opština i gradova Republike Srpske – za izmjene Izbornog zakona Bosne i Hercegovine

G-đa Travljanin obrazlaže inicijativu Saveza opština i gradova Republike Srpske u kojoj se traži izmjena Izbornog Zakona BiH, tj. da se izbori na lokalnom i višim nivoima vlasti održavaju istovremeno svake četvrte godine.

G-din Ramović predlaže da se ova Inicijativa usvoji i doda amandman da se slijedeći lokalni izbori održe 2014. godine.

Inicijativa se jednoglasno usvaja, zajedno sa prijedlogom gospodina Ramovića, te prosljeđuje na Koordinaciono tijelo.

i. Općina Travnik – ocjena ustavnosti u vezi sa nedonošenjem Zakona o finansijskoj konsolidaciji javnih komunalnih preduzeća u Federaciji Bosne i Hercegovine, a u vezi sa kršenjem Zakona o principima lokalne samouprave u Federaciji Bosne i Hercegovine

G-din Smajlović smatra da Savez treba podržati ovu Inicijativu, te predlaže da se anketiraju općine kako bi se utvrdilo da li i druge općine imaju sličan problem.

G-đa Imširović-Bolić konstatuje da je jedan od zaključaka Skupštine Saveza u Neumu bio da se ubrza proces donošenja ovog zakona.

G-din Ramović smatra da se Savez mora zaštititi, te podržava prijedlog da se prvo prikupe stavovi općina, te da se onda razmotre rješenja.

Prijedlog je jednoglasno usvojen.

Gđa Turkić izvještava da se na sastanku tri komisije pod tekućim pitanjima diskutovalo i o osnivanju radne grupe koja bi zajedno sa ekspertima utvrdila sve zakone koji nisu u skladu sa Zakonom o principima lokalne samouprave Federacije Bosne i Hercegovine.

G-din Smajlović konstatuje da Savez već posjeduje listu zakona koji se trebaju mijenjati, te da to ne može niko bolje uraditi od jedinica lokalne samouprave. Smatra da nema potrebe za osnivanjem ove radne grupe, te predlaže da se ovaj prijedlog ne usvoji.

Prijedlog nije usvojen.

Gđa Turkić izvještava da se na sastanku diskutovalo i o Zakonu o šumama.

G-din Smajlović konstatuje da se već radi na ovom zakonu te da ga nije potrebno posebno razmatrati.

G-din Hajder izvještava da je na sastanku komisija razmatran i prijedlog da se Zakon o zaštiti i dobiti životinja stavi van snage dok se ne donesu podzakonski akti koji će regulisati implementaciju zakona. Smatra da je ovaj zakon veoma važan, a naročito radi ugrožavanja građana.

G-din Smajlović smatra da Savez mora biti oprezan po ovom pitanju.

G-din Alilović smatra da je problem veoma veliki i da će ga biti teško riješiti.

G-din Smajlović smatra da će lokalne zajednice imati probleme i velike troškova uspostavljanja azila te da to neće dugoročno riješiti problem. Smatra da je preventiva dugoročno rješenje problema, da duže traje ali da je efikasnije.

G-din Dedić smatra da Savez mora zauzeti stav po ovom pitanju.

Gđa Travljanin predlaže da se ovaj zakon predloži za Dnevni red Koordinacionog tijela, kako je to zakon na nivou Bosne i Hercegovine, te da se stvori zajednički stav dva Saveza.

Ovaj prijedlog je jednoglasno usvojen.

6. Zakon o turističkim zajednicama i promicanju turizma u Federaciji Bosne i Hercegovine

Izjavitelj: Ivo Jerkić Ino, predsjedavajući Skupštine Saveza i načelnik Općine Čitluk

G-din Jerkić konstatuje da je ovaj zakon donešen bez konsultacija sa jedinicama lokalne samouprave. U materijalima je dostavljen zakon u Nacrtu, koji je prije nekoliko godina bio u parlamentarnoj proceduri ali je iz nekih razloga povučen, te da je tada imenovana radna grupa koja je razmatrala Nacrt zakona. G-din Jerkić i gđa Aida Lušničkić iz Općine Ilidža su tada bili članovi radne grupe. G-din Jerkić konstatuje da je došao do saznanja da će se ponovo pristupiti izradi nove verzije zakona, te konstatuje da jedinice lokalne samouprave trebaju biti uključene u izradu ovog zakona.

Tokom rasprave predloženo je da se ponovo imenuju isti predstavnici Saveza koji će se aktivno uključiti u izradu zakona i predstavljati interese članica Saveza.

Jednoglasno je usvojen prijedlog da se u radnu grupu kao predstavnici Saveza općina i gradova Federacije Bosne i Hercegovine imenuju g-din Ivo Jerkić i gđa Aida Lušničkić.

7. Iniciranje sastanka delegacije Saveza sa predsjednikom Ustavnog suda Federacije Bosne i Hercegovine

Gđa Imširović-Bolić konstatuje da g-din Šupljeglav nije prisutan te da će pokušati obrazložiti ovaj prijedlog. Naime, Ustavni sud Federacije Bosne i Hercegovine donosi dosta odluka u korist jedinica lokalne samouprave. Ističe da je nedavno, u Službenim novinama Federacije Bosne i Hercegovine, objavljen niz rješenja Ustavnog suda kojima je utvrđeno da presude Ustavnog suda koje se odnose na zakone nisu izvršene. Stručna služba Saveza smatra da je potrebno imenovati

delegaciju Saveza koja će održati sastanak sa predsjednicom Ustavnog suda kako bi se utvrdili slijedeći koraci po ovom pitanju.

G-din Smajlović podržava prijedlog da se zakaže sastanak i predlaže da Stručna služba Saveza zakaže sastanak, te pozove relevantne predstavnike Saveza na isti.

Prijedlog je jednoglasno usvojen.

8. Saradnja Saveza sa Alpha d.o.o. u cilju zajedničkog apliciranja kod Ureda koordinatora za reformu javne uprave sa projektom vezanim za uvođenje trezora u jedinice lokalne samouprave

Izvjestilac: Rešad Mašić, direktor Alpha d.o.o.

Gđa Travljanin informiše članove Predsjedništva da se na inicijativu firme Alpha d.o.o., Stručna služba Saveza sastala sa g-dinom Rešadom Mašićem, te dogovorila moguću saradnju o čemu će danas više govoriti g-din Mašić.

G-din Mašić pozdravlja prisutne i zahvaljuje na šansi da se obrati članovima Predsjedništva. Predstavlja svoju organizaciju „Alpha“ d.o.o.. Konstatuje da je projekat Uvođenje sistema trezorskog poslovanja u općine FBiH već odobren i da su donatori Kraljevina Norveška i Kraljevina Švedska. Informiše članove Predsjedništva da općine kroz učešće u ovom projektu neće morati ništa platiti jer će sve svi troškovi biti finansirani kroz projekat. Naglašava da je moguće da se sve općine uključe u projekat bez obzira na to u kojoj su fazi uvođenja.

G-din Hajder želi da zna kako se to odjednom desilo? Konstatuje da općine već godinama imaju probleme sa ovim i da se odjednom taj problem rješava. Također želi da zna šta je sa općinama koja su već pronašla neka softverska rješenja, i koliko će ovaj projekat biti kompatibilian sa onim što je već urađeno?

G-din Mašić uvjerava g-dina Hajdera da to nije problem i da će se iznaći rješenja. Konstatuje da će se omogućiti drugima da se prijave na projekat, da će firma „Alpha“ voditi posao uz pomoć i saradnju općina.

G-din Hakija Osmić želi da zna da li općina koja je već započela proces treba da zaustavi proces.

G-din Mašić predlaže da općina ugovori odgođeno plaćanje pa će firma „Alpha“ preuzeti plaćanje ili da se obustavi proces i pričeka implementacija projekta.

Gđa Turkić konstatuje da je neophodno da općine završe proces otvaranje računa i da taj proces nikako ne treba zaustavljati.

G-din Smajlović želi da zna kada će se znati više o rokovima i procedurama.

G-din Mašić konstatuje da će se kroz projekat općinama platiti softver, edukacija i tehničke pripreme. Općine trebaju da odgovore na upitnik koji bi poslali i da troškovi općine neće preći 10% ukupnog projekta.

G-din Smajlović želi da zna koja je uloga i korist Saveza u svemu ovome.

G-din Mašić konstatuje da je uloga Saveza da prati projekat i da komunicira sa općinama.

Gđa Travljanin konstatuje da bi se sve eventualne obaveze i koristi svakako formulisale kroz neki vid ugovora ili memoranduma o razumijevanju.

G-din Alilović želi da zna da li će firma „Alpha“ posjećivati općine radi utvrđivanja trenutnog stanja.

G-din Mašić konstatuje da će se posjetiti sve općine i da će biti onako kako općine zahtjevaju i šta im je potrebno..

Gđa Turkić želi da zna koje su to obaveze općina prema ovom projektu.

G-din Mašić konstatuje da, ako Predsjedništvo usvoji ovaj prijedlog, „Alpha“ će distribuirati upitnik i prihvatiti finansiranje troškova firme. Indikativni prijedlog za budžet projekta je milion eura. A pri posjetama općinama će se utvrditi trenutno stanje i potrebe pojedinačnih općina.

G-din Smajlović predlaže da G-din Mašić prijedlog projekta i nacrt Upitnika u pisanoj formi dostavi Stručnoj službi Saveza te da će Predsjedništvo odlučiti o daljnjim koracima na slijedećoj sjednici Predsjedništva.

Ovaj prijedlog je jednoglasno usvojen.

9. Izvještaj sa održanog NEXPO – Sajma općina i gradova jugoistočne Evrope

Izjavitelj: Vesna Travljanin, direktor Saveza

G-đa Travljanin ukratko izvještava članove Predsjedništva o održanom NEXPO sajmu, te konstatuje da je informacija u pisanoj formi dostavljena svim članovima Predsjedništva.

Izvještaj je jednoglasno usvojen.

10. Informacije:

a. Izvještaj sa sastanka delegacije Saveza sa delegacijom Kongresa lokalnih i regionalnih vlasti Vijeća Evrope

Izjavitelj: Husejin Smajlović, predsjednik Predsjedništva Skupštine Saveza i načelnik Općine Zenica

G-din Smajlović ukratko izvještava prisutne o održanom sastanku. Konstatuje da je Izvještaj u prilogu.

Izvještaj je primljen k znanju.

b. Izvještaj sa održanih radionica na temu: „Aktuelni problemi u uvođenju trezorskog poslovanja u jedinicama lokalne samouprave u Federaciji Bosne i Hercegovine“

Izjavitelj: Zlata Turkić, viši saradnik za rad sa skupštinskim komisijama i institucijama vlasti

G-đa Turkić izvještava prisutne o održanim radionicama, te da su smjernice u pismenoj formi upućene svim općinama u Federaciji. Konstatuje da više nema prolongiranja roka, ali da nema ni sankcija za kašnjenje.

Članovi Predsjedništva traže da Stručna služba Saveza uputi dopis Federalnom ministarstvu finansija i da traži odgađanje roka do 1.1.2012. godine.

Jednoglasno je usvojen prijedlog da se ponovo uputi zahtjev za produženje roka prema Federalnom ministarstvu finansija.

c. Izvještaj sa seminara "Fiskalna politika i programsko budžetiranje u BiH"

Izjavitelj: Zlata Turkić, viši saradnik za rad sa skupštinskim komisijama i institucijama vlasti

G-đa Turkić izvještava prisutne o održanom seminaru. Konstatuje da će Stručna služba Saveza od predavača dobiti tekst u pisanoj formi koji će biti prosljeđen svim općinama u Federaciji.

Informacija je primljena k znanju.

d. Pripreme za izdavanje Vodiča za uvođenje trezora, Smjernica za budžetske korisnike i ogleadne dokumentacije za trezorsko poslovanje u općinama (u saradnji sa GAP-om)

Izjavitelj: Zlata Turkić, viši saradnik za rad sa skupštinskim komisijama i institucijama vlasti

G-đa Turkić izvještava prisutne da su općine već dobile Vodič za uvođenje trezora, te da se trenutno vrši dorada materijala koja će biti prosljeđena svim općinama.

G-din Hajder pita kada će se to realizovati.

G-đa Turkić konstatuje da će to biti u narednom mjesecu.

Informacija je primljena k znanju.

e. Preuzimanje baze podataka općinskih finansija od GAP-a

Izvjestilac: Zlata Turkić, viši saradnik za rad sa skupštinskim komisijama i institucijama vlasti

Gđa Turkić kratko izvještava o preuzimanju baze podataka, i konstatuje da je informacija već dostavljena u materijalima.

Informacija je primljena k znanju.

f. Jačanje lokalne demokratije II – (LOD II) – Izbor partnerskih općina

Izvjestilac: Elvira Imširović-Bolić, viši saradnik za pravna pitanja

Gđa Imširović-Bolić ukrajno izvještava prisutne o aktivnosima projekta Jačanje lokalne demokratije koju implementira UNDP uz podršku Saveza.

Informacija je primljena k znanju.

g. Izvještaj V kruga Beacon Sheme – dodjela nagrada i prezentacija tema VI kruga

Izvjestilac: Vesna Travljanin, direktor Saveza

Gđa Imširović-Bolić ukrajno izvještava o slijedećem krugu Beacon Sheme, te odabranim temama.

Informacija je primljena k znanju.

11. Tekuća pitanja

a) Imenovanje delegacije Saveza koja će se sastati sa predstavnicima Vlade Federacije Bosne i Hercegovine

Na prijedlog g-dina Smajlovića jednoglasno je usvojeno da se ova tačka Dnevnog reda ostavi za narednu sjednicu Predsjedništva.

b) Izrada novog loga i cjelokupnog vizuelnog identiteta Saveza (korporativni imidž)

vesna – objašnjava oko loga

Na prijedlog g-dina Smajlovića jednoglasno je usvojeno da Stručna služba Saveza na slijedećoj sjednici Predsjedništva pripremi prezentacije i ponude za članove Predsjedništva.

c) Posjeta članova Predsjedništva porodici g-dina Amera Čenanovića

G-din Ramović, šokiran preranom smrću g-dina Čenanovića predlaže da članovi Predsjedništva nakon slijedeće sjednice Predsjedništva polože cvijeće na mezar g-dina Čenanovića, te posjete familiju g-dina Čenanovića. Također, g-din Ramović predlaže da članovi Predsjedništva kroz veći članski doprinos prikupe sredstva koja će u ime Saveza uručiti familiji g-dina Čenanovića. G-din Ramović stoga predlaže da se slijedeća sjednica Predsjedništva održi u Hadžićima.

Prijedlozi su je jednoglasno usvojeni.

Nakon što je konstatovao da su sve tačke Dnevnog reda iscrpljene, g-din Smajlović zaključuje Četrnaestu sjednicu Predsjedništva Skupštine Saveza u 12:50 sati.

Predsjednik Predsjedništva Skupštine
Husejin Smajlović, s.r.